

Iraqw - Hho-Tlakw Muunuú Gooi - Good-Bad Mind Scriptures

Hho Muunuú Gooi - Good Mind Scriptures

Marko 5:15 Tari daqáy amór Yesú i alé, heedaádá' geeraawo neetlaamér koóm kuri ár, aa iwiít, i tlabaawós kón, nee fuquraangose. Inós an kudaádá' geeraawo daqtadá' koóm. Tari da'ayuút.

Luka 8:35 Muu iri tláy i kangwdá' artá áy. Tawa hardáh dír Yesu, heedaáduú neetlaame kawa hingeés kuri didí áy, i iwiwiit dír geerá Yésú wa ale, i tlabaawós kón nee fuquraangose. Tari da'ayuút.

Lehhema'aá Ya/abuuse 17:11 Múk Beroya a muk hhó' ta ak muk Tesalonikero, nee inooín Ya/abtór hho' ngina ilaohiyé' ar muunuú hhoó'. Gooi ngiri soomuusiyé', nee ngiri aldakuutiyé' umuúqo daqto, as ngiwa tsaahhiya' gídaabá kaangwí taa alki/iiti oo lóe.

Lehhema'aá Ya/abuuse 20:19 Aníng Aako una sagadiyuús ar tsatsa'areema sleémeero, tam qoomár niwa baraá /aa/eé dirii', laqaá tam baraá iiara'aduú naa sláw dír muk Yahudír wa aleeró, tiwa gaasár wa slai.

Rumi 7:25 Mungú i xirfuti. Ba/amusmo u koóm, Yesu Kristo Aakoorén. Ala barnaxes a adoorí, ánuú kilá' hara'ayár Mungú an sagadiyuús ar muunuúee', nee hara'ayár tlakweema an sagadiyuús baraá slaqwte'eene.

Rumi 8:6 Asma muruudá' hee i slai baraá heeuumarose, gár ni huuwi a gwa'ara. Ala muruudá' Queeru i slai, gár ni huuwi a slafingw nee wayda.

Rumi 8:27 Nee Mungú kudá' munér muu ga xuuxu'uúm, inós gaa tsaáhh gídaabá gár Queeru i slai a milá. Asma muruudá' Queeru i firiirin as muk hhohhó' oo Mungú, ti slasláy nee sla'aarí Mungú.

Rumi 11:34 Asma Gooi i kat, "Heé inslawoó Aako gu xuú' a heemá? Heé inós gu hara'ayiiyiím a heemá?

Rumi 12:2 Kuungá' baraá slafingwhunge ma hootara' ar adoodá' muk baraaká' yaamu ir hooti. Ala masók kuungá' tundun warrees baraá inslawayhunge, ar inslawayhúng kuwa /abeemiisi, as kawa tsahha' gídaabá Mungú gár i slai a milá. Asma gár i slai a tidá' hhoo', tidá' inós gu qwal/atimis, nee tidá' qoom.

Rumi 12:16 Kuungá' masók ti kiloohúng axweesani slasleerá'. Kuungá' uraay mu leelehhítara', ala masók tin niinaweemisá'. Kuungá' miti kiloohúng harafadiitara' gídaabá tawa muk sagalooár koóm.

Rumi 14:5 Baraá slaqsaywo heeko deelorka dirose a deelór gídaabár koom ta deelór hatlae. Ala dír kookoowo deelo sleémeero a gár wák. Ala umuúqo heewo haraxu'uti masók ga kón gídaabá, adoodá' inós i xui ar ló'.

Rumi 15:6 Daqaní kuungá' a aleesleerá' Mungú, Baabuú Aakoorén Yesu Kristo, kuwa xirfayeemisa' ar muunuú wák nee ar afór wák.

1 Korinto 1:10 Hhaee'eé', án kuungá' nu harhheehhe'eés ar aleesleemuudá' taa aníng i haniís nee Aakoorén Yesu Kristo gídaabá, kuungá' axweesanayhúng masók a wak. Slám miti partliitara'. Ala masók kuungá' a adór muk taa haragwaa', munerhúng tawa wak nee inslawaywo.

- 1 Korinto 2:16 Asma Gooi i kat, "Heé muunuú Aako gu tsaáhh a heemá? Nee slám heé inós gu intsaahhatís a heemá?" Ala atén baraarene muunuú Kristo u koomaán.
- 2 Korinto 7:7 Ala a as hardahamuuwós kiloseeká, ala tam gurkwa/amisuudá' inós aa dirhúng wa sláy. Asma inós iidíguuhúng nguna diirén i alki/iít gídaabá, kuungá' a ló'wa sla'á' aníng iwa aanda', nee slám adór kuungá' tar gurhaamutá', nee adór kuungá' aníng ir aleekal/aandá'. Gawaá adoorihe, aníng niri ló'wa qwalaá'.
- 2 Korinto 8:12 Asma kuúng gaa barnaxes a slá' duuxaro, yaareema nee niinaweema a gaarooká. Mungú gár i slai a tidá' kuúng ta koon kawa hanis, a gídaabaheeká tidá' kuúng ta koondaaká. (1 Kronika 28:9)
- 2 Korinto 9:2 Asma aníng a xuú' adór kuungá' muuná kur koondá' oo alee/isaywí kuwa hanisa'. Slám án kuungá' nuna xirfayeés dír geerá múk yaamaá Makedoniár i alé gawaá kaangwihe, niwa oó' gídaabá, "Múk Akaya tina amohhe'eés alee/isaay haniisaro iimír kurkú /isá'." Muunuúhúng kwisíng múk yaariír baraaíne gaa ilakaaharuú i qaás.
- 2 Korinto 13:11 Hám daxta, hhaee'eé', aláhhooá' ngi geexáw. Kumiité' baraá gan'amuuwo. Gurbu'uungw ya/aa/amaak. Ti axweesani axamise'. Hooté' ar wayda. Nee Mungúduú sla'aari nee oo wayduú hanmaamiís i dinkwa nee kuungá'.

Efeso 4:23 Munerhúng nee sla'aarirhúng ka /abeemaá i ki/isi.

Filipi 2:2-5 Ala bar adoosíng, muunuú wák koomaak, as qwal/uueé' iwa boo/i. Kuungá' kiloohúng ti sla'aslae', dinku'uumár baraá queeru koomaak, nee umuúqo daqto ti axweesanaay axamise'. 3 Umuúqo gaaro ma tlehhiitara' ar fola, laqaá ar daara/aangw. Ala masók umuúqo heewo tin kilós niinaweemiis. 4 Muruú múk hatlá' i slai na leelehhiitaak, ala a muruudá' kuungá' ta sla'a' kiloseeká. 5 Kuungá' masók muunuú adór kuduú Kristo Yesu un koondá'.

Filipi 4:2 Aníng Euodia nee Sintike in firiím tiwa haraki/iya', masók muunuú wák ngun koná' baraá Aakoowo.

Filipi 4:7 Nee wayduú Mungú, kudá' tsaaahharo ta aleeslawaanaaká sagaalooarene, munerhúng ngi de'en, nee inslawayhúng baraá Kristo Yesuwo. (Isaya 26:3)

Kolosai 3:12 Kuungá' a múk Mungú aa tsawaár, mukós oo hhohó' oo i slai. Gawaá adoorihe muunuú grtleemu koomaak, nee hhooeema, ti kiloohúng niinaweemise', nee tsatsaa'areema koomaak, nee qiqitliingw.

2 Tesalonike 2:2 gídaabá mutunduwa hhaawiís ar gaanslaay, laqaá mutunduwa dae tsaát ar iidíguudá' káh gídaabá deeloodár Aako hamí i hardát. Múk adoorí axweés, inooín ka xui aaru'uuma kana ár, laqaá axweesanaay kuna axaás oo amoorén daáhh, laqaá barwár kah ar gídaabá i amoorén dáhh.

2 Timoteo 1:7 Asma Mungú muunuú dae ngwa atén i haniisiiká. Gár naa haniís a muunuú tawa kumiitaan /uuruú ar alé, nee oo sla'aari nee oo qoomoó koóm.

Tito 2:6 Tam masoomba sleeme naanaqeeq gídaabá masók a múk danqamisuú koóm.

Ebrania 8:10 Aako i malé kaahi. Hám daxta, alqadoorí an tidá' ni tleehh nee múk Israeli alaá deeloorihe, gídaabá. Aníng hara'ayar'eé' an qaás baraá inslaway'ín i

alé, nee ngiri gooiím baraá muner'ín i alé. Slám aníng tari Mungúín nee inooín tari muk'eé'.

- 1 Petro 1:13 Gawaá adoorihe inqwaruuuhúng siinootaak, nee ta dal'á'. Kuungá' masók tsuuqaadá' tindi haniisi qoomár Yesu Kristo burkwa geehhooeés, in haraxuá' ló'wa ale.
- 1 Petro 5:2 Gawaá adoorihe án kuungá' nu gurbuú', gídaabá. Kuungá' múk Mungú de'eemaak, kudá' taa dabaahúng i saayín, nee kawa sageesihhimita'. Ala adoorí ma tleehhara' as tunduwa harakeemisi, ala masók an tlehhá' ar sla'aarirhúng ar kilá', asma an adoodá' Mungú i slai. Slám ma tleehhara' as peésa kawa sleera' kilós ala na tleehhaak ar muunuú /awaák.
- 2 Petro 3:1 Sla'aaruuser'eé'. Barwaárí án ni kuungá' i gooim ar tsár. Gawaá barwaduuká' tsaraawo aníng muruwí nguna inslawtimís, as inslawoó hhohhó' nguwa daarkitis baraá munerhunge.

Yakobo 1:17 Umuúqo gár hhoo' nee umuúqo gár ganaa' amór kingiwa hanmiisi a gawaá doori. Amór Mungú ngin dáhh, kudá' gwa/ateemaá gawaá doori gaa tlehh. Asma inós i warqaaqayká, slám atén ti baraá giwtír i geexayká. (Ayubu 23:13)

Geehhoeemaá 17:9 "Baraá kaangwihe gár ta slai a fuquraangw, kuduú sagaalooár koóm. Sageedá' faanqw a tlom'aá faanqw awa /ameenidá' aa al iwít. Nee slám sageedá' a waawitaá faanqw.

Tlakw Muunuú Gooi - Bad Mind Scriptures

Marko 7:21 Asma inslaslángw tlákw ám ni dahhi a baraá muunuú hee, kudá' oo hee iwa fuqtá ay, iwa fiisór ay, iwa tsu/tár ay, (Esekieli 38:10)

Luka 12:29 "Kuungá' ma leelehhiitara' gár ta /aga' laqaá gár ta wata', slám ma daawimitara'.

Lehhema'aá Ya/abuuse 12:20 Herode iri ló' wa buúhh dír múk Tiro nee Sidoni. Inooín kuri hara daqáy ar muunuú wakleeli'iima. Blasto kuna mulqi'iimár i tleéhh, asma Blasto an heé doó gu'utér waawutmo gu amohhe'eemiís. Tari wayduú áy, asma yaamuuín muruú /ayma dír nguwa slaslaya' a dír yaamaá waawutmo.

Lehhema'aá Ya/abuuse 14:2 Ala múk Yahudi kudá' haratlintaao ga sla'aaká, múk xoordu guri dukún as hhae kiwa aahhi.

Rumi 1:28 Inooín xu'utidár Mungú kuwa xui, inooín kana gaár i xuiiká. Gawaá adoorihe Mungú sleeme inooín giri máy baraá inslaway'ín kudá' aa hhitruut, as muruudá' hariimaaká kuwa tleehhi.

Rumi 8:6,7 Asma muruudá' hee i slai baraá heeuumarose, gár ni huuwi a gwa'ara. Ala muruudá' Qeelu i slai, gár ni huuwi a slafiingw nee wayda. 7 Asma heé heeuumarós ar tlakweema ga eeharahaár, inós nee Mungú a wakaari. Asma heeuumarós hara'ayár Mungú ga iialooeemisiiká, nee slám ga aleeslayká iialooeesaro.

Rumi 11:20 Ar ló', inooín kina tlaáq, ala gár kisa tlaáq a haratlintaaoowasler'ín. Ala kuúng a gawaá xa'anoodá' taa dahaás i dirí' as haratlintaao. Gawaá adoorihe, kuúng ma daara/aamaar, ala masók an da'ayumít.

- 2 Korinto 10:5 Nee slám gár atén ta fee/itaan a umuúqo inslawaywo, kudá' iil/aám, oo daara/ángw koóm, oo taa tleéhh as hee iidíguú Mungú munguwa xuú'. Atén umuúqo inslawaywo un ohiimaán, nee kuwa iialooetisaan dír Kristo i alé.
- 2 Korinto 11:3 Aníng a da'ayumiít gídaabá kuungá' tundu al/aay baraá inslawayhunge, tam kuungá' sla'aarirhúng tidá' ur ar hhoohhoo' ar Kristo kuwa sla'a' kari geexeerá', adoodár dayshimooduú al/aymusmo aáng Efa ngira al/aáy.
- Efeso 2:3 Tam atén sleémeero aáng aqo an adoodá'. Ana hootaan ar ilatleerír slaqoorén kawa eeharaharaan, nee sla'aarirós kawa tleehhaan. Gawaá adoorihe atén qoomaadae gár tiwa hariím, a sakwasleemár Mungú an slawaán, adoodár mún hatlá' sleeme.
- Efeso 4:17 Gawaá adoorihe án kuungá' nun baw, slám nun gurbu'uúm kángw kilá' wa ale ar baraá umuú Aako, gídaabá, ma kumiitara' tawa hota' adór mún xoordaá hatlá' ar alé.
- Kolosai 1:21 Aáng kuungá' tunduwa saáw dír Munguhe, baraá munerhúng nee inslawayhunge kuungá' a wakaaruuseerós, asma tlehhemí'ihúng ki tlakw. (Slaqsi'i 21:27; Esekieli 23:17)
- Kolosai 2:18 Mukko i deer, oo ti kilooín niinaweemiís ar al/ayma, nee adoorí ngi sa qwalala/iyá', slám i malaykér firiiriná'. Nee tin kilooín xirfayeemisiyá' as iigu'utuuín, gár tas daara/an ar kilá' i káhh, a inslaway'ín oo tlakw. Mún adór kwí munduwa al/aáy nee tooqeemuuhúng guri hayoh.
- 1 Tesalonike 5:14 Hháe, atén kuungá' nu firiimaán, mukdá' gadiyér sla'aaká naanaaqaak, gurkwa/asaak mún daér koóm, mukdá' haratlintaao niiná alee/iimiisaak, slám kuungá' masók a mún qitluú koóm dír muu sleémeerowo.
 - 2 Tesalonike 2:2 gídaabá mutunduwa hhaawiís ar gaanslaay, laqaá mutunduwa dae tsaát ar iidíguudá' káh gídaabá deeloodár Aako hamí i hardát. Mún adoorí axweés, inooín ka xui aaru'uuma kana ár, laqaá axweesanaay kuna axaás oo amoorén daáhh, laqaá barwár kah ar gídaabá i amoorén dáhh.
 - 1 Timoteo 6:5 nee tlaampa'amisuú baloó faakaaká. Muruuwí sleémeero kun tlehhiit nee mún fuqurangw'ín aa hhitruut, slám mukwí daxta looeema tsaahharo gi aleeslayká. Inooín ka xui diíni a gár slaasláwár úr huwahuuw.
 - 2 Timoteo 3:8 Adoodár aáng Yane nee Yambre tira tlaampa'aamisiyé' nee Musa, adoorí an adór hhawaateeká' sleeme tir tlaampa'aamisiya' nee looeema. Mukwí a mún aa fuqureema hhitiruumiit, slám haratlintaao'rín i qoondaaká.
- Tito 1:15 Mura' sleémeero ku hhohhó' dír mukdá' hhohhoe, ala gár hhoohhoo' i káhh dír mukdá' slasla/arene, kudá' haratlintaao'rín kooma'aaká. Asma fuqurangw'ín kwaa slasla/aareés, nee muner'ín sleeme.
- Ebrania 12:3 Kuungá' inós inslawaak, adór inós tlaampa'amisuú xaraás oo mún tlakuuse ngura sa qiqtlín. Gawaá adoorihe kuungá' ma slaaqataara' nee ma mune siaara'.
- Yakobo 1:8 Asma inós a heé badu tsár oo baabaqaamiís baraá lohuduuuwós sleémeerowo.

Pastor T. John Franklin
 Church of Salvation, Healing, and Deliverance
 COS-HAD.org